

LA SANTA SEDE Y LA MUSICA SACRA

Dos circulares de la S. Congregación de Seminarios y Universidades y dos comentarios autorizados

La Sagrada Congregación de Seminarios ha enviado, con fecha de 15 de agosto de 1949, a los Ordinarios de todas las diócesis de derecho común (1) la circular siguiente:

PROT. NUM. 575/49.

Excellentissime Domine,

Musicae Sacrae, ad divinum cultum promovendum, quantopere Sanctae Sedes iugiter faverit, nemo sane est qui ignoret. Eiusdem sedulitatis plura exstant documenta, inter quae notatu dignae illae sapientes quidem et firmae praescriptiones, quas Summus Pontifex PIUS XI, sel. rec., per Const. Apost. "Divini Cultus Sanctitatem" (d. d. 20 dec. a. 1928) impertitus est.

Haec quoque S. Congregatio adlaborare non intermisit, ut iuvenes Sacerdotii viam arripientes, tum theoretice tum practice Musica Sacra congrue instituerentur. At, si multa et laudabilia in plerisque Seminariis gesta sunt ad sacram iuventam hac quoque disciplina imbuedam, in ceteris tamen exspectati felices exitus minime obtenti sunt, cum pluribus de causis, tum praesertim ob apti magistri atque rationis didacticae inopiam. Huiusmodi defectus eo manifestiores hodie apparent, quo studium liturgicum et musicum mire in dies diffunditur, sive inter assclas Actionis Catholicae sive inter ipsos Christifideles, Ann-Sancto praecipue instante.

Quam ob rem, ad novum validioremque impulsu afferendum ut Seminariorum alumni theoria et practica Musicae Sacrae iuxta principia didactica et disciplinaria a S. Sede statuta sedulo erudiantur, haec quae sequuntur praescribenda censemus:

I - Musica Sacra disciplinis necessariis adnumeratur, ideoque omnibus sacrorum alumnis, inde a primo humanitatis anno usque ad curriculum theologicum expletum, absolute tradenda.

II - Musicae Sacrae magistris proponentibus, iuxta praescriptiones allatae Const. Apost. "Divini Cultus Sanctitatem" (nn. 1-2) annua programmata ab Excellentissimo Ordinario adprobanda sunt.

III - Musicae Sacrae horarum attributio in hebdomada eiusdem Const. Apost. (nn. 1-2) regetur normis; huiusmodi disciplinae praelectionum horae, igitur, generali studiorum rationi inserendae sunt.

(1) Es decir, excluyendo las de países de misiones y las de rito oriental.